

kennt, soll mich ohne Programm, in dem gewöhnlich mehr verschrode als g'halte werd, kenne lerne. Norr so viel sag ich: Ich werr aah im neie zwette halwe Johr mein Schuldigkeit nooch inne un noch auß dhun. Un zwar unerschrode, wie bis dato — awer nit unge b'hrlich, wie sich per Exempl vumme Beischbiel neulich zwee Gerichtsvollzieher im neie deitsche Reich benumme hawe. Des Ding soll nämlich so gewest sein: Zwee Gerichtsvollzieher hawe e Pändung vorzunehme. Sie drolle also mitnanner in's bedressende Haus, falle awer nit d'r Ohier in e Schtubb, un zwar ohne anzukloppe, in der se gar nit zu dhun hawe. Die betreffend Fraa, die drinn g'esse, is natierlich iver die unangemelde Gäst, mit denne se nit zu dhun hott, in de Dod verschrode. Die zwee heesliche Herrn d'r Gerechtigkeit bleiwe awer ganz gemietlich in d'r Schtubb schtehn, bedachte sich die Meeml, un wolle anfangs ihr Schuldigkeit zu dhun. — Ja, um Gottes Jesses Wille, segt die Fraa, was wolle dann die Herrn? — Ei, sage se, sie hätte halt was zur Pändung uffzunemme. — Sie sinn lez, meine Herrn, wann Se's gietigscht erlaawe, segt die Fraa. Ich bin die un die, un nit die un die, die Se suche. Gehn Se norr g'älligscht en Ohier weiter. — Jetzt endlich is denne geichtrenge Herrn e Licht uffgange, hawe awer erscht am annere Dag neethig g'funne, sich wege ihm schloffliche Bedrage zu entschuldige. Vielleicht hätte Se's awer heit noch nit gebhan, wann se nit g'heert hätte, d'r bedressende Herr vum Loschie, des se uff die Art b'sucht, wolt se verflage.

Des wär des, Mein zwett Schtück, des ich heit zum Beschte zu gewa hab, is aah nit wol! Die Woch, ich glaab am Sunndagmittag war's, geh ich mit meim Mann an die Eisebahn, um mer emool e Portion vun denne commune Franzose, die aus d'r G'fangenschaft kumme un jetzt heifig hier vorbei fahre, zu bedachte, bin awer merkwürdigerweis zuere deitsche commune G'schicht kumme. Zu bemerke haw ich noch, daß ich mich bei der Gelegenheit in mein greschte Sunndagschtaat g'schtedt! Hawe unser Däämcher un Freilein seiner Zeit de g'fangene Zuave un Turkos, die hier antumme sinn, Bukets un Hardts zug'schmisse, derf ich mich de Franzose, mit denne mer jetzt widder in Friede leewe, aah imme neie Kleed zeige. Zwerigens werr ich mer for den Akt d'r Theilnahm an der Kriegsg'schicht 1870/1 schbäter te Medaillon — kaase, wie's anner Zeit gebhan hawe. Doch zur Hauptsach. Wie ich mit meim Mann uff'm Weg donaus an e gewiss Sodawasserheisl kumm, seh ich Gott un die Welt in d'r Näh versammelt. Ich bin mit meim Mann noch nit ganz dort, kummt uns d'r Dokter Knall un Fall entgege. — Herr Dokter, ruf ich, gell, do is e Unglid bassirt? — Awoll, segt'r, 's is norr en ang'heiterter communer Geesboch, der im botanische Gartegraawe rumborzlt, in denn'r g'falle is, weil'r des Sodawasserheisl for sein Heisl in d'r Schtadt driinn ang'sehe hott. — Wie ich mit meim Mann dann endlich näher kumm, seh ich dann werkllich mein Marschandallie de Graawe ruffgrawle un

die Telegrapheschtang umarme, die'r for en gute Freund im Duffl g'halte, der'm ruffhelfe soll. O mein lieber Ru. p, hott'r als gerufe. Die umschtehende Leit awer, die natierlich mit vollem Recht zu der Geeschtub-bochsg'schicht am helle Dag gelacht, hott'r awer so commun mit liebenswürdige Littlicher draktirt, daß mein Mann g'sagt hott: Sawine, kumm, do lernsch nit guts. Korz: en kösterlicher Schbaß am helle Sunndag is mer noch nit bassirt. Uff die Art also denk ich, will der Mann de kleene Keppler hier schiele! Scheeni Gegend! En brächtiger Professor vun d'r Waibschädter Bekleidungs-Akademie! — Noochdräglich awer heer ich noch, daß die Bochschbring am Sodawasserheisl eigentlich norr e Noochschbiel vunnere Hauptaffeer ware, die unser kleener Keppler un zwee College uffere Rinschtlerfahrt nooch Mohrbach, en Dag vorher, also am Johannesdag, mitgemacht. Awer die Gelehrte solle noch nit eenig mitnanner sein, ob die drei Herrn zu Ehre des Johannes, odder zu Ehre vunnere Johanna die nächlich Wahlfahrt dorthin unnernumme hawe. Vielleicht kennt d'r Schoode driver Uffschluß gewe!

Schließlich hätte mer noch unsern „Pälzer Bote“ in's Gebet zu nemme. Unser „Pälzer Knote,“ wie mer'n vun heit an heeße wolle, hott unser Dodesfeier, die mer neulich ohne Unnerschied d'r Konfession uff'm Kerchhof abgehalte, bekanntlich e Kumeedie g'heeße, un des bekannte scheene Lied: „Wir glauben all an einen Gott“, als tendenziöös bezeichnet, un in derselwe Nummer beklagt'r sich aah noch, daß d'r heilige Nepomuk in Sedene de Kopp verlore hott. Is des e Wunner? Wann d'r Pälzer Knote so schreibt, is ke Wunner, wann sich sogar die Heilige uff'm Absatz rumbreche un dabei die Kepp verliere. Er redd vumme Sedemer Buveschick? Wie soll ma awer e Atentatt bezeichne, wie's d'r Pälzer Knote in seiner Nr. 74 uff die heiligste G'siehle d'r Menschheit macht, die am irische Grab ihr g'fallene Brieder bedrauert? Armieliger Pass, der hinner so'eme Artitel schiedt! Es wär freilich g'scheider, ma dhät die schteernerne unschuldige Heilige rubig schtehn losse un keem de Kopp ab schlage, dagege gewisse lewendige Heilige vun d'r Pälzer Knotesort die Kepp zurecht seße!

Die Buchdruckerei von G. Geisendörfer

in Heidelberg (Schiffgasse 4)

empfehl't sich in allen in diesses Geschäft einschlagenden Arbeiten, namentlich im Druck von Visiten-, Verlobungs- und Adress-Karten, Rechnungen, Cirularen etc. etc.

Druck und Verlag von G. Geisendörfer.